

**КАНОН МОЛЕБНЫЙ КО ПРЕСВЯТОЙ БОГОРОДИЦЕ,
ПОЕМЫЙ ВО ВСЯКОЙ СКОРБИ ДУШЕВНОЙ
И ОБСТОЯНИИ ***

Творение Феостирикта монаха.

Глас 8-й.

Песнь 1

Ирмос: Воду прошед яко сушу, и египетскаго зла избежав, израильтянин вопияше: Избавителю и Богу нашему поим.

Припев: Пресвятая Богородице, спаси нас.

Многими содержишь напастьми, к Тебе прибегаю, спасения искый: о Мати Слова и Дево, от тяжких и лютых мя спаси.

Страстей мя смущают прилози, многого уныния исполнити мою душу; умири, Отроковице, тишиною Сына и Бога Твоего, Всенепорочная.

Слава: Спаса рождшую Тя и Бога, молю, Дево, избавитися ми лютых; к Тебе бо ныне прибегаю, простираю и душу и помышление.

И ныне: Недугующа телом и душею, посещения Божественного и промысления от Тебе сподоби, едина Богомати, яко благая, Благаго же Родительница.

Песнь 3

Ирмос: Небеснаго круга Верхотворче Господи, и Церкви Зиждителю, Ты мене утверди в любви Твоей, желаний краю, верных утверждение, едина Человеколюбче.

Предстательство и покров жизни моея полагаю Тя, Богородительнице Дево: Ты мя окорми ко пристанищу Твоему, благих виновна, верных Утверждение, едина Всепетая.

Молю, Дево, душевное смущение и печали моея бурю разорити: Ты бо, Богоневестная, Начальника тишины Христа родила еси, едина Пречистая.

Слава: Благодетеля рождши добрых виновнаго, благодения богатство всем источи: вся бо можеша, яко сильного в крепости Христа рождши, Богоблаженная.

** В пасхальную седмицу вместо канонов покаянного (или Иисусу Сладчайшему), Богородице и Ангелу хранителю читается канон Пасхи.*

И ныне: Лютыми недуги и болезненными страстьми истязаему, Деве, Ты ми помози: исцелений бо неоскудное Тя знаю Сокровище, Пренепорочная, неизживаемое.

Тропарь, глас 2-й

Моление теплое, и стена неборимая, милости источнице, миру прибежище, прилежно вопиём Ти: Богородице Владычице, предвари, и от бед избави нас, едина вскоре предстательствующая.

Песнь 4

Ирмос: Услышах, Господи, смотрения Твоего таинство, разумех дела Твоя, и прославих Твое Божество.

Страстей моих смущение, Кормчию рождающая Господа, и бурю утиши моих прегрешений, Богоневестная.

Милосердия Твоего бездну призывающую подаждь ми, Яже Благосердаго рождающая, и Спаса всех поющих Тя.

Наслаждающиеся, Пречистая, Твоих дарований, благодарственное воспеваем пение, ведуще Тя Богоматерь.

Слава: На одре болезни моя и немощи низлежащу ми, яко Боголюбива, помози, Богородице, едина Приснодево.

И ныне: Надежду и утверждение, и спасения стену недвижиму, имущу Тя, Всепетая, неудобства всякаго избавляемся.

Песнь 5

Ирмос: Просвети нас повелению Твоими, Господи, и мщицею Твоею высокою Твой мир подаждь нам, Человеколюбче.

Исполни, Чистая, веселия сердце мое, Твою нетленную даючи радость, веселия рождающая Виновнаго.

Избави нас от бед, Богородице Чистая, вечно рождающая Избавление, и Мир, всяк ум преимуший.

Слава: Разрши мглу прегрешений моих, Богоневесто, просвещением Твоей светлости, Свет рождающая Божественный и превечный.

И ныне: Исцели, Чистая, души моя немощение, посещения Твоего сподобляющая, и здравие молитвами Твоими подаждь ми.

Песнь 6

Ирмос: Молитву пролию ко Господу, и Тому возведу печали моя, яко зол душа моя исполнися, и живот мой аду приближися, и молюся яко Иона: от тли, Боже, возведи мя.

Смёрти и тли яко спасл есть, Сам Ся издав смёрти, тлением и смёртию моё естество́ я́то б́ывшее, Д́ево, моли́ Господа и Сы́на Твоего́, врагов злод́ействия мя изб́авити.

Предст́ательницу Тя живот́а вем, и Хранительницу твёрду, Д́ево, и нап́астей реша́щу молвы́, и нало́ги бесов отгоня́ющу; и молю́ся всегда́, от тли страст́ей мо́их изб́авити мя.

Слава: Я́ко ст́ену приб́ежища стяжа́хом, и душ́ всесовершенство́е спас́ение, и пространство́ в скóрбех, Отрокови́це, и просвещ́ением Тво́им пр́исно раду́емся: о Влады́чице, и ны́не нас от страст́ей и бед спаси́.

И ныне: На одре́ ны́не немощств́уяй лежу́, и несть исцел́ения плóти мо́ей; но Бо́га и Сп́аса м́ру, и Изб́авителя нед́угов рóждшая, Теб́е молю́ся Благо́й: от тли нед́уг возста́ви мя.

Кондак, глас 6-й

Предст́ательство христи́ан непосты́дное, Ходата́йство ко Творцу́ непрелóжное, не пр́езри гр́ешных молéний ѓасы, но предвари́, яко Благо́я, на по́мощь нас, вёрно зову́щих Ти: ускори́ на моли́тву, и потщи́ся на умоле́ние, предст́ательствующи пр́исно, Богороди́це, чт́ущих Тя.

Песнь 7

Ирмос: От Иуде́и доше́дше о́троцы, в Вавило́не иногда́, ве́рою Трóическою пла́мень пещ́ный попр́аша, пою́ще: отце́в Бо́же, благословéн еси́.

Н́аше спас́ение я́коже восхотёл еси́, Сп́асе, устро́ити, во утробу́ Д́евыя всели́лся еси́, Ю́же м́ру Предст́ательницу показ́ал еси́: отце́ц н́аших Бо́же, благословéн еси́.

Воли́теля м́лости, Егóже родила́ еси́, М́ати Ч́истая, умоли́ изб́авитися от прегреш́ений и душе́вных скверн́ ве́рою зову́щим: отце́ц н́аших Бо́же, благословéн еси́.

Слава: Сокрóвище спас́ения и исто́чник нетл́ения, Тя рóждшую, и столп́ утвержд́ения, и дверь́ пока́яния, зову́щим показ́ал еси́: отце́ц н́аших Бо́же, благословéн еси́.

И ныне: Тел́есныя сла́бости и душе́вныя нед́уги, Богороди́тельнице, любóвию приступ́ающих к кро́ву Твоему́, Д́ево, исцели́ти сподóби, Сп́аса Христ́а нам рóждшая.

Песнь 8

Ирмос: Ц́аря́ Неб́снаго, Егóже пою́т во́и а́нгельстии, хвали́те и превозноси́те во вся́ ве́ки.

Помощи яже от Тебѣ трѣбующия не презри, Дѣво, поющия и превозносящия Тя во вѣки.

Неможѣние души моея исцеляеши, и телесныя болѣзни, Дѣво, да Тя прославлю, Чистая, во вѣки.

Слава: Исцелений богатство изливаеши верно поющим Тя, Дѣво, и превозносящим неизреченное Твое Рождество.

И ныне: Напастей Ты прилоги отгоняеши, и страстей находы, Дѣво: темже Тя поем во вся вѣки.

Песнь 9

Ирмос: Воистинну Богородицу Тя исповедуем, спасеннии Тобою, Дѣво Чистая, с безплотными лики Тя величающе.

Тока слез моих не отврати, Яже от всякаго лица всяку слезу отъемшаго, Дѣво, Христа рождающая.

Радости мое сердце исполни, Дѣво, Яже радости приемшая исполнение, греховную печаль потребляющи.

Пристанище и предстательство к Тебѣ прибегающих буди, Дѣво, и стена нерушимая, прибежище же и покров и веселие.

Слава: Света Твоего зарями просвети, Дѣво, мрак неведения отгоняющи, благоверно Богородицу Тя исповедающих.

И ныне: На месте озлобления немощи, смирившагося, Дѣво, исцели, из нездравия во здравие претворяющи.

Молитвы ко Пресвятой Богородице

Царице моя преблагая, Надеждо моя Богородице, Приятелице сырых, и странннх Предстательнице, скорбящих Радосте, обидимых Покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам инья помощи разве Тебѣ, ни инья Предстательницы, ни благия Утешительницы, токмо Тебѣ, о Богомати; яко да сохраниши мя и покрыеши во вѣки веков. Аминь.

К кому возопию, Владычице? К кому прибегну в горести моей, аще не к Тебѣ, Царице Небесная? Кто плач мой и воздыхание мое примет, аще не Ты, Пренепорочная, Надеждо христиан и Прибежище нам грешным? Кто паче Тебѣ в напастех защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене, трѣбующаго Твоея помощи, и не отрини мене грешнаго. Вразуми и научи мя, Царице Небесная;

не отступи́ от мене́, раба́ Твоего́, Влады́чице, за ропта́ние моё, но бу́ди мне Ма́ти и Засту́пница. Вруча́ю себе́ ми́лостивому покрóву Твоему́: приведи́ мя грёшнаго к т́хой и безмяте́жней жи́зни, да пла́чуся о гресéх мо́их. К кому́ бо прибегну́ повинный аз, а́ще не к Тебе́, упова́нию и прибе́жищу грёшных, наде́ждою на неизрече́нную ми́лость Твою́ и щедро́ты Твоя́ окриляе́мъ? О Влады́чице Цари́це Небе́сная! Ты мне упова́ние и прибе́жище, покрóв и заступле́ние и по́мощь. Цари́це моя́ преблага́я и ско́рая Засту́пнице! Покрый́ Твои́м ходата́йством моя́ прегреше́ния, защити́ мене́ от враг ви́димых и неви́димых, умягчи́ сердца́ злых челове́к, возстаю́щих на мя. О Ма́ти Го́спода моего́ Творца́! Ты еси́ ко́рень де́вства и неувяда́емый цвет чистоты́. О Богороди́тельнице! Ты пода́ждь ми по́мощь немощствую́щему плотски́ми страстьми́ и боле́знующему се́рдцем: еди́но бо Твоё и с Тобо́ю Твоего́ Сы́на и Бо́га на́шего има́м заступле́ние, и Твои́м пречу́дным заступле́нием да изба́влюся от вся́кия бе́ды и напа́сти, о пренепоро́чная и пресла́вная Бо́жия Ма́ти Мари́е. Темже со упова́нием глаго́лю и вопию́: ра́дуйся, Благода́тная, ра́дуйся, Обра́дованная, ра́дуйся, Преблагослове́нная, Го́сподь с Тобо́ю.